

DE SACRAMENTO EUCHARISTIÆ.

De Missa bis eadem die celebranda.

Instructio a S. R. C. die 12. Sept. 1857 edita pro Sacerdote Apostolicam facultatem habente bis Missam eadem die celebrandi.

Quando Sacerdos eadem die duas Missas dissitis in locis celebrare debet, in prima, dum divinum Sanguinem sumit, eum diligentissime sorbeat. Exinde super corporale ponat Calicem et palla tegat, ac junctis manibus in medio Altari dicat: *Quod ore sumpsimus, etc.* et subinde admoto aquæ vasculo digitos lavet dicens: *Corpus tuum, etc.* et abstergat.

Hiscæ peractis Calicem, super corporale manentem adhuc, deducta palla cooperiat ceu mos est, scilicet primum purificatorio linteo, deinde patena ac palla, et demum velo.

Post hæc Missam prosequatur, et completo ultimo Evangelio, rursus stet in medio Altaris, et detecto Calice, inspiciat an aliquid divini Sanguinis nec ne ad imum se receperit, quod plerumque continget. Quamvis enim sacræ species primum sedulo sorptæ sint, tamen dum sumuntur, cum particulæ, quæ circum sunt, undequaque sursum deferantur, non nisi deposito Calice ad imum redeunt. Si itaque divini Sanguinis gutta quædam supersit adhuc, ea rursus ac diligenter sorbeatur, et quidem ex eadem parte qua ille primum sumptus est. Quod nullimode omittendum est, quia Sacrificium moraliter durat, et superexstantibus adhuc vini speciebus ex divino præcepto compleri debet.

Postmodum Sacerdos in ipsum Calicem tantum saltem aquæ fundat, quantum prius vini posuerat, eamque circumactam ex eadem parte, qua S. Sanguinem biberat, in paratum vas demittat. Calicem subinde ipsum purificatorio linteo abstergat, ac demum cooperiat, uti alias fit, atque ab Altari discedat.

Depositis vestibibus sacris, et gratiarum actione completa, aqua e Calice demissa pro rerum adjunctis vel ad diem crastinum servetur (si nempe eo rursus Sacerdos redeat, Missam habiturus), et in secunda purificatione in Calicem demittatur, vel gossypio aut stупpa absorpta comburatur, vel in sacrario, si sit exsiccanda, relinquatur, vel demittatur in piscinam.

Cum autem Calix, quo Sacerdos primum est usus, purificatus jam sit, si illo ipso pro Missa altera indigeat, eum secum deferat: secus vero in altera Missa diverso Calice uti poterit.

Cum superior S. R. C. Instructio nonnisi casum respiciat, quo Sacerdos duas Missas dissitis in locis eadem die sit celebraturus; operæ pretium visum est, ex Commentariis Bartholomæi Gavanti et Cajetani Mariæ Merati hic ritus adjungere a Sacerdote servandos, cum utramque Missam in eadem Ecclesia offerre debet.

Hoc itaque in casu Sacerdos post haustum in prima Missa diligenter Sanguinem Domini, ommissa consueta purificatione, patena Calicem et palla patenam tegens, ac super corporale relinquens, dicet junctis manibus: *Quod ore sumpsimus, Domine etc.* Deinde digitos, quibus Ss. Sacramentum tetigit, in aliquo vase mundo, ad hoc in Altari præparato, abluet, interim dicens: *Corpus tuum, Domine etc.*; abstersisque purificatorio digitis, Calicem velo cooperiet, velatumque ponet super corporale extensum.

Absoluta Missa, si nulla in Ecclesia sit sacristia, Calicem eodem modo super Altare relinquet; secus vero in sacristiam deferet, ibique super corporale vel pallam in aliquo loco decenti et clauso collocabit usque ad secundam Missam, in qua, cum eodem Calice uti debeat, illum rursus secum deferet ad Altare, ac super corporale extensum reponet.

Cum autem in secunda Missa Sacerdos ad Offertorium venerit, ablato velo de Calice, hunc parumper versus cornu Epistolæ collocabit, sed non extra corporale; factaque hostiæ oblatione cavebit, ne purificatorio extergat calicem, sed eum intra corporale relinquens leviter elevabit, vinumque et aquam eidem caute imponet, ne guttæ aliquæ ad labia ipsius Calicis resiliant, quem deinde nullatenus ab intus abstersum more solito offeret.

Modus sacram Eucharistiam deferendi occulte ad infirmos ob metum infidelium.

Ex Constitutione Benedicti XIV. *Inter Omnigenas.* §. 25. edita pro Servia et finitimis regionibus die 2. Febr. 1744.

Ubi Turcarum vis prævalet et iniquitas, Sacerdos stolam semper habeat propriis coopertam vestibibus: in sacculo, seu bursa Pyxidem recondat, quam per funiculos collo appensam in sinu reponat; et nunquam solus procedat, sed uno saltem fidei, in defectu Clerici, associetur.

Decretum a S. Rituum Congregatione

die 9. Julii 1864 editum

de specie olei pro nutrienda lampade Ss. Sacramenti.

Nonnulli Reverendissimi Galliarum Antistites, serio perpendentes, in multis suarum Dioecesium Ecclesiis difficile admodum et nonnisi magnis sumptibus comparari posse oleum olivarum ad nutriendam diu noctuque saltem unam lampadem ante Sanctissimum Eucharistiæ Sacramentum, ab Apostolica Sede declarari petierunt: Utrum in casu, attentis difficultatibus et Ecclesiarum paupertate, oleo olivarum substitui possint alia olea, quæ ex vegetabilibus habentur, ipso non excluso petroleo.

Sacra porro Rituum Congregatio, etsi semper sollicita, ut etiam in hac parte quod usque ab Ecclesiæ primordiis circa usum olei ex olivis inductum est, ob mysticas significationes retineatur; attamen silentio præterire minime censuit rationes ab iisdem Episcopis prolatas: ac proinde exquisito prius voto alterius ex Apostolicarum Cæremoniarum Magistris, subscriptus Cardinalis Præfectus ejusdem Sacræ Congregationis rem omnem proposuit in ordinariis Comitibus ad Vaticanum hodierna die habitis.

Eminentissimi autem et Reverendissimi Patres, sacris tuendis Ritibus præpositi, omnibus accurate perpensis ac diligentissime examinatis, rescribendum censuerunt: *Generatim utendum esse oleo olivarum; ubi vero haberi nequeat, remittendum prudentiæ Episcoporum, ut lampades nutriantur ex aliis oleis quantum fieri possit vegetabilibus.* Die 9. Julii 1864.

Facta postmodum de præmissis Sanctissimo Domino nostro Pio Papæ IX. per Secretarium fidei relatione, Sanctitas Sua sententiam Sacræ Congregationis ratam habuit, et confirmavit. Die 14. iisdem mense et anno.

Litaniæ, Preces et Orationes

quæ dici debent in expositione XL horarum in alma Urbe.



Kýrie eléison.
Christe eléison.
Kýrie eléison.
Christe audi nos.
Christe exaudi nos.
Pater de cœlis Deus,
miserére nobis.

Fili Redemptor mundi Deus,
miserére nobis.
Spiritus sancte Deus,
miserére nobis.
Sancta Trinitas unus Deus,
miserére nobis.
Sancta María, ora pro nobis.

Sancta Dei Génitrix,	ora.	Sancte Silvéster,	ora.
Sancta Virgo virginum,	ora.	Sancte Gregóri,	ora.
Sancte Michaël,	ora.	Sancte Ambrósi,	ora.
Sancte Gábiel,	ora.	Sancte Augustíne,	ora.
Sancte Ráphaël,	ora.	Sancte Hierónyme,	ora.
Omnes sancti Angeli et Arch- ángeli,	oráte pro nobis.	Sancte Martíne,	ora.
Omnes sancti beatórum Spirí- tuum órdenes,	oráte.	Sancte Nicoláe,	ora.
Sancte Joánnes Baptísta,	ora.	Omnes sancti Pontífices et Con- fessóres,	oráte.
Sancte Joseph,	ora.	Omnes sancti Doctóres,	oráte.
Omnes sancti Patriárchæ et Pro- phétæ,	oráte.	Sancte Antóni,	ora.
Sancte Petre,	ora.	Sancte Benedicte,	ora.
Sancte Paule,	ora.	Sancte Bernárde,	ora.
Sancte Andréa,	ora.	Sancte Domínice,	ora.
Sancte Jacóbe,	ora.	Sancte Francisce,	ora.
Sancte Joánnes,	ora.	Sancte Ludovíce,	ora.
Sancte Thoma,	ora.	Omnes sancti Sacerdótes et Le- vitæ,	oráte.
Sancte Jacóbe,	ora.	Omnes sancti Mónachi et Ere- mitæ,	oráte.
Sancte Philíppe,	ora.	Sancta María Magdaléna,	ora.
Sancte Bartholomæe,	ora.	Sancta Agatha,	ora.
Sancte Matthæe,	ora.	Sancta Lúcia,	ora.
Sancte Simon,	ora.	Sancta Agnes,	ora.
Sancte Thaddæe,	ora.	Sancta Cæcília,	ora.
Sancte Mathía,	ora.	Sancta Catharina,	ora.
Sancte Bárnaba,	ora.	Sancta Anastásia,	ora.
Sancte Luca,	ora.	Omnes sanctæ Virgines et Víduæ,	oráte.
Sancte Marce,	ora.	Omnes Sancti et Sanctæ Dei, intercédite pro nobis.	
Omnes sancti Apóstoli et Evan- gelistæ,	oráte.	Propítius esto, parce nobis, Dómine.	
Omnes sancti Discípuli Dómini,	oráte.	Propítius esto, exaúdi nos, Dómine.	
Omnes sancti Innocéntes,	oráte.	Ab omni malo, libera nos, Dómine.	
Sancte Stéphané,	ora.	Ab omni peccáto, libera.	
Sancte Lauréti,	ora.	Ab ira tua, libera.	
Sancte Vincéti,	ora.	Ab imminéntibus perículis, libera.	
Sancti Fabiáne et Sebastíane,	oráte.	A flagélló terræmótus, libera.	
Sancti Joánnes et Paule,	oráte.	A peste, fame, et bello, libera.	
Sancti Cosma et Damiáne,	oráte.		
Sancti Gervási et Protási,	oráte.		
Omnes sancti Mártires,	oráte.		

A subitanea et improvisa morte, libera.
Ab insidiis diaboli, libera.
Ab ira, et odio, et omni mala voluntate, libera.
A spiritu fornicationis, libera.
A fulgure et tempestate, libera.
A morte perpetua, libera.
Per mysterium sanctæ Incarnationis tuæ, libera.
Per Advantum tuum, libera.
Per Nativitatem tuam, libera.
Per Baptismum et sanctum Jejunium tuum, libera.
Per Crucem et Passionem tuam, libera.
Per Mortem et Sepulturam tuam, libera.
Per sanctam Resurrectionem tuam, libera.
Per admirabilem Adscensionem tuam, libera.
Per adventum Spiritus sancti Paracleti, libera.
In die iudicii, libera.
Peccatores, te rogamus audi nos.
Ut nobis parcas, te rogamus.
Ut nobis indulgeas, te rogamus.
Ut ad veram poenitentiam nos perducere digneris, te rogamus.
Ut Ecclesiam tuam sanctam regere, et conservare digneris, te rogamus.
Ut Domnum Apostolicum, et omnes ecclesiasticos ordines in sancta religione conservare digneris, te rogamus.
Ut Turcarum, et Hæreticorum conatus reprimere, et ad nihilum redigere digneris, te rogamus.

Ut inimicos sanctæ Ecclesiæ humiliare digneris, te rogamus.
Ut Regibus et Principibus Christianis pacem et veram concordiam donare digneris, te rogamus.
Ut cuncto populo Christiano pacem, et unitatem largiri digneris, te rogamus.
Ut nosmetipsos in tuo sancto servitio confortare, et conservare digneris, te rogamus.
Ut mentes nostras ad cœlestia desideria erigas, te rogamus.
Ut omnibus benefactoribus nostris sempiterna bona retribuas, te rogamus.
Ut animas nostras, fratrum, propinquorum, et benefactorum nostrorum ab æterna damnatione eripias, te rogamus.
Ut fructus terræ dare, et conservare digneris, te rogamus.
Ut omnibus fidelibus defunctis requiem æternam donare digneris, te rogamus.
Ut nos exaudire digneris, te rogamus.

Fili Dei, te rogamus.
Agnus Dei, qui tollis peccata mundi, parce nobis, Domine.
Agnus Dei, qui tollis peccata mundi, exaudi nos, Domine.
Agnus Dei, qui tollis peccata mundi, miserere nobis.
Christe audi nos.
Christe exaudi nos.
Kýrie eléison.
Christe eléison.
Kýrie eléison.
Pater noster etc.

V. Et ne nos inducas in tentationem.
R. Sed libera nos a malo.

Psalmus 69.

Deus, in adiutorium meum intende: * Domine, ad adjuvandum me festina.

Confundantur, et reveantur, * qui quaerunt animam meam.

Avertantur retrorsum, et erubescant, * qui volunt mihi mala.

Avertantur statim erubescentes, * qui dicunt mihi: Euge, euge.

Exsultent et lætentur in te omnes, qui quaerunt te: * et dicant semper: Magnificetur Dominus, qui diligunt salutare tuum.

Ego vero egenus, et pauper sum: * Deus, adjuva me.

Adjutor meus, et liberator meus es tu: * Domine, ne moreris.

Gloria Patri.

V. Salvos fac servos tuos.

R. Deus meus, sperantes in te.

V. Esto nobis, Domine, turris fortitudinis.

R. A facie inimici.

V. Nihil proficiat inimicus in nobis.

R. Et filius iniquitatis non apponat nocere nobis.

V. Domine, non secundum peccata nostra facias nobis.

R. Neque secundum iniquitates nostras retribuas nobis.

V. Orémus pro Pontífice nostro **N.**

R. Dominus conservet eum, et vivificet eum, et beatum faciat eum in terra, et non tradat eum in animam inimicorum ejus.

V. Orémus pro benefactoribus nostris.

R. Retribuere dignare, Domine, omnibus nobis bona facientibus propter nomen tuum vitam æternam. Amen.

V. Orémus pro fidelibus defunctis.

R. Requiem æternam dona eis, Domine, et lux perpetua luceat eis.

V. Requiæcant in pace.

R. Amen.

V. Pro fratribus nostris absentibus.

R. Salvos fac servos tuos, Deus meus, sperantes in te.

V. Mitte eis, Dómine, auxiliúm de sancto.
R. Et de Sion tuére eos.
V. Dómine, exaúdi oratióem meam.
R. Et clamor meus ad te véniat.
V. Dóminus vobíscum.
R. Et cum spírítu tuo.

Orémus.

Deus, qui nobis sub Sacraménto mirábili passió-
 nis tuæ memóriam reliquisti: tríbue, quæsumus,
 ita nos Córporis et Sánguinis tui sacra mystéria
 venerári; ut redemptiόνis tuæ fructum in nobis
 júgiter sentiámus.

Ab Adventu usque ad Nativitatem Domini:

Deus, qui de beátæ Mariæ Vírginis útero Verbum
 tuum, Angelo nuntiánte, carnem suscípere vo-
 luísti: præsta supplicibus tuis; ut qui vere eam
 genitricem Dei crédimus, ejus apud te intercessió-
 nibus adjuvémur.

A Nativitate usque ad Purificationem:

Deus, qui salutis æternæ, beátæ Mariæ virginitate
 fœcúnda, humano géneri præmia præstitísti:
 tríbue, quæsumus; ut ipsam pro nobis intercedere
 sentiámus, per quam merúimus auctórem vitæ
 suscípere, Dóminum nostrum Jesum Christum Fí-
 lium tuum.

*A Purificatione usque ad Adventum Domini,
 etiam tempore paschali:*

Concède nos fámulos tuos, quæsumus Dómine
 Deus, perpétua mentis et cörperis sanitáte gau-
 dére: et gloriósa beátæ Mariæ semper Vírginis in-
 tercessióne, a præsentí liberári tristítia, et æterna
 pérfrui lætítia.

Omnípotens, sempitérne Deus: miserére fámulo
 tuo Pontífici nostro **N.**, et dirige eum secún-
 dum tuam cleméntiam in viam salutis æternæ; ut,
 te donánte, tibi plácita cúpiat, et tota virtúte
 perficiat.

Deus, refúgium nostrum, et virtus: adésto piis
 Ecclésiæ tuæ précibus, auctor ipse pietátis, et
 præsta; ut quod fidéliter pétimus, effícaciter con-
 sequámur.

Omnípotens, sempitérne Deus, in cujus manu sunt
 ómnium potestátes, et ómnium jura regnórum:
 réspice in auxiliúm Christianórum; ut gentes Tur-
 cárum et hæreticórum, quæ in sua feritáte et
 fraude confidunt, dèxteræ tuæ poténtia conte-
 rántur.

Omnípotens, sempitérne Deus, qui vivórum domi-
 nárís simul et mortuórum, omniúmque miseré-
 ris, quos tuos fide et ópere futúros esse præno-
 scis: te súpplices exorámus; ut pro quibus effúndere
 preces decrévimus, quosque vel præsens sæculum
 adhuc in carne rétinet, vel futúrum jam exútos
 cörpero suscepit, intercedéntibus ómnibus Sanctis
 tuis, pietátis tuæ cleméntia ómnium delictórum
 suórum véniam consequántur. Per Dóminum no-
 strum Jesum Christum etc. **R.** Amen.

V. Dómine, exaúdi oratióem meam.

R. Et clamor meus ad te véniat.

V. Exaúdiat nos omnípotens et miséricors
 Dóminus.

R. Et custódiat nos semper. Amen.

V. Fidélium ánimæ per misericórdiam Dei
 requiescant in pace. **R.** Amen.

Litaniæ Lauretanæ B. Mariæ V.

K ýrie eléison.		Causa nostræ lætitiæ,	ora.
Christe eléison.		Vas spirituále,	ora.
K ýrie eléison.		Vas honorábile,	ora.
Christe audi nos.		Vas insigne devotiõnis,	ora.
Christe exaudi nos.		Rosa mýstica,	ora.
Pater de cœlis Deus,		Turris Davídica,	ora.
	miserére nobis.	Turris ebúrnea,	ora.
Fili, Redemptor mundi Deus,		Domus áurea,	ora.
	miserére nobis.	Fœderis arca,	ora.
Spiritus sancte Deus,		Jánua cœli,	ora.
	miserére nobis.	Stella matutína,	ora.
Sancta Trinitas unus Deus,		Salus infirmõrum,	ora.
	miserére nobis.	Refúgium peccatórum,	ora.
Sancta María, ora pro nobis.		Consolátrix afflictõrum,	ora.
Sancta Dei Génitrix,	ora.	Auxílium Christianõrum,	ora.
Sancta Virgo vírginum,	orá.	Regína Angelõrum,	ora.
Mater Christi,	ora.	Regína Patriarchárum,	ora.
Mater divínæ grátia,	ora.	Regína Prõphetárum,	ora.
Mater puríssima,	ora.	Regína Apostolõrum,	ora.
Mater castíssima,	ora.	Regína Mátyrum,	ora.
Mater invioláta,	ora.	Regína Confessõrum,	ora.
Mater intemeráta,	ora.	Regína Vírginum,	ora.
Mater amábilis,	ora.	Regína Sanctõrum õnium,	ora.
Mater admirábilis,	ora.	Agnus Dei, qui tollis peccáta	
Mater Creatõris,	ora.	mundi: parce nobis, Dómine.	
Mater Salvatóris,	ora.	Agnus Dei, qui tollis peccáta	
Virgo prudentíssima,	ora.	mundi: exaudi nos, Dómine.	
Virgo veneránda,	ora.	Agnus Dei, qui tollis peccáta	
Virgo prædicánda,	ora.	mundi: miserére nobis.	
Virgo potens,	ora.	Christe audi nos.	
Virgo clemens,	ora.	Christe exaudi nos.	
Virgo fidélis,	ora.	K ýrie eléison.	
Spéculum justitiæ,	ora.	Christe eléison.	
Sedes sapiéntiæ,	ora.	K ýrie eléison.	

V. Ora pro nobis, sancta Dei Génitrix.

R. Ut digni efficiámur promissionibus Christi.

Orémus.

Concède nos fámulos tuos, quæsumus Dómine Deus, perpétua mentis et córporis sanitáte

gaudére; et gloriósa beátæ Mariæ semper Vírginis intercessióne, a præsentí liberári tristítia, et ætérna pérfrui lætítia. Per Christum Dóminum nostrum. **R.** Amen.

¶ In Diócesibus pro quibus adest Apostolicum Indultum, Litanis Lauretanis post Regína Sanctõrum õnium, addi potest aliud ipsius Deiparæ Encomium: Regína sine labe origináli concepta, Ora pro nobis.

Litaniæ Ss. Nominis Jesu.

K ýrie eléison.		Jesu, Deus pacis,	mis.
Christe eléison.		Jesu, auctor vitæ,	mis.
K ýrie eléison.		Jesu, exemplar virtútum,	mis.
Jesu, audi nos.		Jesu, zelátor animárum,	mis.
Jesu, exaudi nos.		Jesu, Deus noster,	mis.
Pater de cœlis Deus,		Jesu, refúgium nostrum,	mis.
	miserére nobis.	Jesu, pater paúperum,	mis.
Fili, Redemptor mundi Deus,		Jesu, thesáurus fidélium,	mis.
	miserére nobis.	Jesu, bone pastor,	mis.
Spiritus sancte Deus,		Jesu, lux vera,	mis.
	miserére nobis.	Jesu, sapiéntia ætérna,	mis.
Sancta Trinitas unus Deus,		Jesu, bõnitas infinita,	mis.
	miserére nobis.	Jesu, via et vita nostra,	mis.
Jesu, Fili Dei vivi,	mis.	Jesu, gáudium Angelõrum,	mis.
Jesu, splendor Patris,	mis.	Jesu, rex Patriarchárum,	mis.
Jesu, candor lucis ætérnæ,	mis.	Jesu, magister Apostolõrum,	mis.
Jesu, rex glóriæ,	mis.	Jesu, doctor Evangelistárum,	mis.
Jesu, sol justitiæ,	mis.		mis.
Jesu, Fili Mariæ Vírginis,	mis.	Jesu, fortitúdo Mátyrum,	mis.
Jesu, amábilis,	mis.	Jesu, lumen Confessõrum,	mis.
Jesu, admirábilis,	mis.	Jesu, puritas Vírginum,	mis.
Jesu, Deus fortis,	mis.	Jesu, coróna Sanctõrum õnium,	mis.
Jesu, pater futúri sæculi,	mis.		mis.
Jesu, magni consilii ángele,	mis.	Propítius esto, parce nobis, Jesu.	
Jesu, potentíssime,	mis.	Propítius esto, exaudi nos, Jesu.	
Jesu, patientíssime,	mis.	Ab omni malo, líbera nos, Jesu.	
Jesu, obedientíssime,	mis.	Ab omni peccáto,	líbera.
Jesu, mitis et húmilis corde,	mis.	Ab ira tua,	líbera.
Jesu, amátor castitátis,	mis.	Ab insidiis diaboli,	líbera.
Jesu, amátor noster,	mis.	A spíritu fornicatiõnis,	líbera.

A morte perpétua,	libera.	Per mortem et sepultúram tuam,	libera.
A negléctu inspiratiónum tuárum,	libera.	Per resurrectionem tuam,	libera.
Per mystérium sanctæ incarna-	libera.	Per adscensionem tuam,	libera.
tionis tuæ,	libera.	Per gáudia tua,	libera.
Per nativitátem tuam,	libera.	Per glóriam tuam,	libera.
Per infántiam tuam,	libera.	Agnus Dei, qui tollis peccáta	
Per diviníssimam vitam tuam,	libera.	mundi: parce nobis, Jesu.	
Per labóres tuos,	libera.	Agnus Dei, qui tollis peccáta	
Per agoníam et passióem tuam,	libera.	mundi: exáudi nos, Jesu.	
Per crucem et derelictiόem tuam,	libera.	Agnus Dei, qui tollis peccáta	
Per languóres tuos,	libera.	mundi: miserére nobis, Jesu.	
		Jesu, audi nos.	
		Jesu, exáudi nos.	

Orémus.

Dómine Jesu Christe, qui dixísti: Pétite, et accipiétis; quáerite, et inveniétis; pulsáte, et aperiétur vobis: quæsumus, da nobis peténtibus diviníssimi tui amóris afféctum, ut te toto corde, ore et ópere diligámus, et a tua numquam laude cessemus.

Sancti Nóminis tui, Dómine, timórem páriter et amórem fac nos habére perpétuum: quia numquam tua gubernatióne destítuis, quos in soliditáte tuæ dilectiόnis instítuis. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus, per ómnia sæcula sæculórum. **R.** Amen.



DE BENEDICTIONIBUS.

BENEDICTIONES NON RESERVATÆ.

Benedictio populi cum aqua benedicta
diebus Dominicis impertienda.

Sacerdos celebraturus, indutus pluviali coloris Officio convenientis, accedit ad Altare, et ibi ad gradus cum ministris genuflexus, etiam tempore paschali, accipit a Diacono adpersorium, et primo ter adspersit Altare, deinde se, et erectus ministros, incipiens Antiphonam: Adspérges me. Et Chorus prosequitur: Dómine hyssópo, etc. ut infra. Interim Celebrans adspersit Clerum, deinde populum, dicens submissa voce cum ministris Psalmum Miserére mei, Deus.




Antiphona. Ad - spér - ges me,

Dómine, hyssópo, et mundábor: lavábis me, et super nivem dealbábor.

Psalmus 50. Miserére mei Deus, secúndum magnam misericórdiam tuam. **V.** Glória Patri.

Et repetitur Antiphona: Adspérges me.

Hæc Antiphona prædicto modo dicitur ad adspersionem aquæ benedictæ in Dominicis per totum annum: excepta Dominica de Passione, et Dominica Palmarum, in quibus non dicitur Glória Patri; sed post Psalmum Miserére repetitur immediate Antiphona Adspérges me. Excepto etiam tempore Paschali, scilicet a Dominica Paschæ usque ad Pentecosten inclusive, quo tempore cantatur sequens



Antiphona. Vi - di a - quam

egrediéntem de templo, a látere dextro, allelúja: et omnes, ad quos pervénit aqua ista, salvi facti sunt, et dicent: allelúja, allelúja.